

金

石

萃

編

金石萃編卷五十四

賜進士出身

誥授光祿大夫刑部右侍郎加七級王昶撰

唐十四

六祖墜腰石題字

石高廣均一尺六寸五分題五字隸書餘正書

六祖墜腰石

龍朔元年

口黑齋居士蔣口勒石

塊石繩穿祖跡留曹溪血口此中收應口一片東禪  
月口口口口四百州

□□四祖遠孫□□□□

許洛仁碑

碑連額高一丈一尺三寸廣四尺五寸三分三十九  
行行七十七字下半截磨滅正書額題大唐故□□  
大將軍代州都督許公之碑十  
六字篆書陽文在醴泉縣昭陵

唐故左監門將軍冠軍大將軍使持節□□代沂□蔚

西州□□□代州刺史土柱國許公□□并序

□□□□□□□□□□

蓋聞在天成象辰緯昭其度在地成形山岳閉其寶氣

重感會孕□英□□□□神□周□□<sub>下</sub>□□耿買□洪烈

爰披荆棘遂偶會昌望□爲降庶可揚摧公諱洛仁字

博陵安人始自潁川調列於東魯春秋

思錫珪顯於西京調戚豈惟叔重博物立言不朽固

亦子將清鑒月旦稱工年祀綿邈調武調下調□□

昭情曲調慶清風獨開心鏡卽安樂土權居晉陽

祖彪齊儀同三司善元郡守武川鎮將襲爵寧調縣公

□□□□□□□□調下調□□□□□□□□盪都督調州刺

史江夏縣開國公學窮訓詁智周微忽言多去伐動必

師古建旗杖節恩洽去思開國承家義光公調公調□

□□調下調□□□□□□□□□□□□□□旅調□□者

見之雅相推挹歎曰此兒卽公侯子孫必復其始年甫

弱冠氣蓋關河節慕原當志凌□□□長□□□下  
□□□□地之深□□有□天之□□迹間巷潛結  
英雄載懷坵上之書寧羞跨下之辱炎靈標季綱密秋  
荼前代衣□並□宿衛□□□□□□□下□□□□  
□ 高祖膺□□之運掃焚燎之苦 太宗

挺迺聖之姿救昏墊之疾援旗異野杖號參墟

文皇昔在龍潛□□英傑下都尉□□□士馬之□□

甲兵之富俱迷天命莫悟真主 文皇引公等數

人密圖討擊二凶授首三軍告慶昔□□兵誅下之

□□寶冠終古□□□大夫 文皇引公於內營

爲領兵墜主授之崇旅委以兵機雖滕公之誠著奉車

典□之勤宜繞□□之□□□□□下□□□□□繁□

□□□□□公或□□成□或掉鞅致師取汾州□柏

壁破宋老生軍擊□州□陳皆親領選士屢□就敵仍

治平京□□□□□□□□□□□下□□□□□□□

□□□衛車騎侯君集段□喬軌□莫府功臣悉在部

□薛仁□妄假大名僭竊隴右□承竇融之機翻□□

元之□□□□□□□□□□□下□□□□□公宏龍韜豹

變之□□鷹揚□□之姿火烈振其英武泉涌符其智

略勲高諸將賞懋恒序王充跨據伊瀍盜乘輿之器服

寶德并石趙魏□□□之□□ □□□□□□

□□□□公內□□□外捍牧圉洛汭邙山風馳電擊

城臯□武霧卷冰銷雖 叡策神謀出於九天之上而

摧堅陵險寔惟三令之威及飲至□勲□□□□□□

□□<sub>閣</sub>□□□□□□□□□之重責以綏撫之□公以羈

勒之勤屢移寒暑推解之惠有背心靈脊戀 鴻恩固

辭朝寵載感 天聰遂停嚴會既而□□□□<sub>下</sub>□

□□□□□公□去官于時武德之九年也其年授大

明府別將尋轉木府統軍貞觀二年除右衛原城府統

軍以屠龍之伎處劄鷄之□小道既□□□方□□年

授右武衛

下

口爪牙奉

勅口口口口口元武

門宿衛供奉九年加雲麾將軍行右武衛中郎將十八

年行左監門中郎將兼峻口章授上護軍公翊衛口陳

口口

下

口秋之口畫地口口若夫

紫宸清肅口門

有閱

皇曆嚴闕洞戶增深金鋪數日銅鱗口夜

爰命腹心管其棨箭十八年除口監門將軍口口

下

之口口口方其口口口陽居上將之列纔可匹此儀形

從尹之望旣隆順帝之情逾口朝夕口侍駢馳密勿

太宗嘗從容謂公曰我口口口

下

口口疇口口

口於口卿口口別與朕相見欲口口論口口之事昔者

王業權輿帝圖莫荆

太宗經綸天下曾涉戎行

險阻艱難備嘗之矣公於武□□□□□□一匹

□□□□□陳指□必□此□

聖旨自謂其

目號曰洛仁馭及天下太□思其驂服又感□仁誠節

命刻石圖像□於

□□□□□□□□□□□□□□<sub>下</sub>□□

一匹 聖情喜悅乃親乘御顧謂羣臣曰此人家中

恒出□馬<sub>下</sub>□□□□□□□□□□□□□□

皇嘗於琵琶中度曲村聲以示羣下

上因顧問曰諸

人有識此齒者乎羣臣離席將對而未□所說公□前

人有識此齒者乎羣臣離席將對而未□所說公□前

□日此□□□□之□□<sub>闕下</sub>此□□□□□□□□

□□□州卽公之本邑公自以莫府舊顧所隆重乃

減食上壽并進女樂迺誠所感親爲舉觴因問公□□

□□<sub>闕下</sub>□□□□□□□□□□□□□□□□□□

人之□□慰勞賜物是日賚公絹一百匹合□鄉親十

日聚宴女舉君觴事匪曲□□□過家□家□□□□

□□□<sub>闕下</sub>□□□□□□□□□□□□□□□□□□

□□之重乃召公以雲麾將軍□參朔望祿賜同京官

防閤三分減一  
嗣文追旌以伐□寇□□

□□□□□□□□□□□□□□□□□□□□□□□□<sub>闕下</sub>

□□□□□□□□組而狎池臺或指困濟乏或置驛招  
士趙瑟秦箏將雛集鳳韓歌楚袂飛塵留客方謂□□  
延年□□□□□□□□<sub>闕</sub>之□□□□從□□□□以□朔二  
年四月十日□□□□□□□□私第春秋八十有五

皇帝歎歲月之居諸聽鼓鼙而惻槍贈贈之儀有加  
常典乃下 詔曰故□□大□□許洛仁□□□

□□□□□□一□□□□□□□□□□於□□□□  
□□□□□□□□既晏寵命逾隆方肆優閑奄傷淪逝宜  
加哀錫式旌泉壤可贈使持節都督代忻□蔚四州諸  
軍事代州刺史□□□□□□□□陪□

昭陵賜

□□二百段喪事所須□宜官給□□□□一人爲  
其檢校并度三人出家以追冥福謚曰勇公禮也卽以  
其年十一月十七日葬於□陵□□□□□□

□□□□□□□□□□□□□□  
□□□然英□□□武毅□□□其秘訣早符白水之  
祥妙辯黃龍之運 太宗文皇帝上剋乾軸下系

坤維□一德而□黎□□三餘而□□□□□□  
□□□□公□□□□□□□□□□六□□其威聲兩河  
宜其智力金鼓之下氣響萬夫玉帳之前算居九變取  
□之妙雲驚鼓末擊出之□電駭□□以百□□□之

□□□□□□□□之□ □□□□□□□□□□□□□□

□□□□□□□□□□□□□□□□乎苟何庸勳齊乎絳灌

而子房鳳戩莫遂赤松之遊張至篤□俄車白駒之歎

朱棺元甲永侍茂陵之□□□□□□□□□□□□□□

□□□□□□□□□□□□□□<sub>下</sub>□□□□□□□□□□

性為至德之首居要道之極既峻□連之墓且開京兆

之阡以為東觀紀□□簡□□方□□□□□□□□□□

□□ 石□□□□□□□□□□□□□□□□□□□□

華陽應錄穎川祚土昭彰八代為弈千古承此丕基不

斯多祐功顯官族□□書□景福元感降生□□□□□□



功被登歌東川闕口西階啓藏口厚賜口勳高口口口

口口口

下闕

洛仁附見許世緒傳末數語碑載甚詳但半泐不可

讀正書極似隋賀若誼碑

石壁  
鐫華

按碑缺其下半存者約一千七百餘字兩唐書俱

附見其兄世緒傳極簡略但云許世緒并州人弟

洛仁亦從起晉陽錄功至冠軍大將軍行左監門

將軍水徵初卒贈代州都督謚曰勇陪葬昭陵今

以碑所存字攷之公諱洛仁字濟博陵安喜人也

唐書地理志定州博陵郡屬河北道安喜其屬邑

也與史傳作并州人者異碑敘其先世推原春秋  
兩漢無論已至述其近代云祖彪齊儀同三司善  
元郡守武川鎮將襲爵寧口縣公下盪都督口州  
刺史江夏縣開國公此必是敘其父事又祖彪以  
上必有敘其曾祖事碑俱泐矣許彪北齊書無傳  
不能詳攷碑此下是敘洛仁本事有云前代衣口  
並口宿衛是在隋時事高祖膺口口之運掃炎燎  
之苦太宗挺迺聖之姿救昏墊之疾授旗異野杖  
號參墟又云文皇引公等數人密圖討擊二囚授  
首三軍告慶又云文皇引公子內營爲領兵墜主

授之禁旅委以兵機此皆初起晉陽及誅建成元  
吉事也又云取汾州口柏壁破宋老生軍擊口州  
取臨汾及擒斬宋老生皆開皇十三年八月事柏  
壁之賊是武德三年擊敗宋金剛事擊口州當是  
擊蒲州亦三年事又云薛仁口妄假大名僭竊隴  
右此是武德元年討薛舉及其子仁果事又云王  
充跨據伊瀍寶德并吞趙魏王充卽王世充寶德  
卽寶建德對王充亦去建字此與等慈寺大唐紀  
功碑同例皆武德三年事此上所敘戰功與本紀  
先後多參差又云公口去官于時武德之九年上

文缺泐不知所去何官也下云其後授大明府別

將尋轉本府統軍貞觀二年除右衛原城府統軍

奉勅

缺六字

元武門宿衛供奉九年加雲麾將軍行

右武衛中郎將十八年行左監門中郎將授上護

軍又十八年除口監門將軍蓋由中郎將除將軍

同在十八年而紀年複出也又云聖旨自謂其目

曰洛仁馭此指進馬一匹事馭本鬪字作馭者宋

明帝所改也刻石圖像乃畫馬而刻石也公又於

萬年宮進馬一匹此當是高宗永徽五年事是年

始改九成宮爲萬年宮也其時洛仁或從行而進

馬然萬年宮銘碑陰從官題名無洛仁姓名又云  
文皇嘗於琵琶中度曲付聲以示羣下上因顧問  
曰諸臣有識此曲者乎羣臣離席將對而未口所  
說公口前口曰云云唐書禮樂志五絃如琵琶而  
小北國所出舊以木撥彈樂工裴神符初以手彈  
太宗悅甚後人習爲搗琵琶又舊唐書音樂志杜  
淹曰前代興亡實由于樂陳將亡也爲玉樹後庭  
花齊將亡也爲伴侶曲行路聞之莫不悲泣所謂  
亡國之音也太宗曰不然音聲能感人自然之道  
也歡者聞之則悅憂者聽之則悲今玉樹伴侶之

曲其聲具存朕當爲公奏之知公必不悲矣又唐  
音統籤有太宗詠琵琶詩據此則太宗善度曲而  
喜琵琶可爲此碑之一證也碑又云乃召公以雲  
麾將軍口參朔望祿賜同京官防閣三分減一此  
敘乞駭骨之事又云以口朔二年四月十缺六私  
第春秋八十有五蓋以龍朔二年薨傳云永徽初  
卒者誤也又云贈使持節都督代忻口蔚四州諸  
軍事代州刺史陪葬昭陵賜口口二百段喪事所  
須並宜官給缺五一人爲其檢校并度三人出家  
以追冥福謚曰勇公禮也卽以其年十一月十七

日葬於昭陵此其飾終之典也陪葬者皆有正副  
二使監護喪事此則云一人檢校又度三人出家  
尤他碑所無者碑中所紀洛仁事蹟可見者大略  
如此碑書領兵墜主當是隊主莫府當是幕府威  
舉當是成舉哀錫當是褒錫皆借用字

杜君綽碑

碑缺下截連額存九尺六寸廣四尺七分三十九  
行每行字數不可攷正書篆額在醴泉縣昭陵

大唐故左戎衛大將軍兼太子左典戎衛率贈荊州都  
督上柱國懷寧縣開國襄公杜公碑

殷王府□□□□□□□□□□文館高正臣書



寧之始□□都投義

闕下

□□□□□□□□□□

□鳳邠于時國步□艱方隅未一

闕下

已摧末金□於夏

縣雖運□舞□縱以神□而□□□資□□

公

闕下

□□□□□□□□□□

御輦矢及

宸闕

闕下

□

□人□□□□□□□□□□□□□□□□□□□□□□

□□□□□□□□□□

闕下

□□□□□□□□□□□□□□□□□□□□□□

□□□□□□□□□□□□□□□□□□□□□□

闕下

之□冊

□侯之□□□□□□□□□□□□□□□□□□□□□□

門中郎將加護軍□衛綰忠醇踐中郎之職韓□□達

□護軍之□□□漢魏是

闕

□□□□□□□□□□□□□□□□□□□□□□

〇〇〇〇〇〇 詔於元武北門留守賜綵一百段

泊 變輿旋闕賚物如前迨乎從幸靈武 賜馬兩

匹〇綵五下詔公居守宮闕之重帑藏之寄丞承

天盼彌効忠肅廿三年正除右領軍將軍加上護軍檢

校左武衛將軍〇屯營兵知〇〇〇屯羽林於中下關

篤〇〇慎稱乎損益統彼兵權而已哉永徽之初兼檢

校左武衛將軍又檢校右武侯大將軍兼知右箱諸門

兵馬隊使許仲康〇忠勇乃隕其下關〇〇〇〇〇〇我

彼亦多愧河鞏之地是〇舊京近控三州遙分九谷測

圭定鼎宅中觀隩華闕〇雲雕宮納景眷言監守式俟

朝賢其年奉

闕下

□□□□□□□□都城□□加上柱國

及

天驛□巡以公留守稱旨賜黃金一百兩絹一

百五十匹從幸許州□

勅檢校左衛將軍□□□

闕下

人□景□□之□□太子左衛率

詔曰左領軍將

軍懷寧縣開國公杜君綽志性沉果識懷淳愨時逢帝

構宣力於霸朝運偶□□□官於陞□□□□□□

闕下

□華紫禁奉

□於蘭□騰芬青陸□周廬於桂宮兼

綜斯美忠勤允著頃之奉使於鄜州道簡黜明年又□

□東道經略大使賜

闕下

□□□等□□□甸□□□□

□宣□□節於□□三韓之首載揚朝嘉其美錫以崇

章拜口碩軍大將軍寵茂登壇榮高坐樹董司戎政爰

口不闕下京龍朔二年冊拜左戎衛大將軍兼太子左典

戎衛率 冊曰夫五口斯重允切於惟舊三宮以穆

口下闕光膺卜洛之寄羽旄東臨克隆剪華之守綱繆心

膺口懷弼亮口口鈞陳口望攸屬往欽口口其口下闕於

膝岸奉 天遊於口奔豈口逝川口反口口沙澗之

祓藏山不留俄深遊岱之恨春秋六十有二以龍朔口

口口口廿五口口朝薨於口庶下闕天子宸悼廢朝二日

乃下 詔曰口口口口口於遐口口棺禭禮事鬱

於遙圖故左戎衛大將軍兼太子口典戎衛率杜君綽

器用□□體局

下闕

闕霸□□照登□功宣代□當五營之

劇務總七萃之機謀時歷二朝年將四紀永言勲舊情

義兼常少選□□俄從愷化□□驚悼□□□□茂

下軍事荆州刺史餘如故仍贈絹□四百段□粟四百

石陪葬于

昭陵賜東園秘器凶事葬事所須並令

官給鼓吹儀□送至墓所往還仍令司

下闕

一百匹粵以

三年歲次癸亥二月乙酉朔十日壬寅遷窆于

陵東南一□□奉常□謚曰襄公

下闕

智燭機初神深慮

表在物奚忤見烈火而猶安□□□墜曾臺而□□

□其趨處雄毅絕衆

下闕

翰襲英提于俊路揚茂軌於清

朝鸞闕增巖龍□□秘□私於己公平之道闕下上柱國

□基等並光凌謝玉移嗣韋珠充窮之酷既深苦菜之

容彌切泣清儀之水闕下

上須□矯矯□操□令中山情情攸資□□於鑠顯考

立德無競闕下節氣□奇□依仁踐孝服義基忠□顏允

德□□循躬往屬道□□闕下通 天顧寄重神京肅

肅□欽昭昭通誠萬化無期九泉俄□弔鶴闕下

日建

萬寶哲刻字

按此碑殘缺存者雖及千字而可讀成文者不及

其半其姓名其甫里居俱泐不存惟文中詔詞有  
杜君綽姓名凡兩見知其姓杜氏名君綽也兩唐  
書俱無傳宰相世系表杜氏有京兆襄陽洹水濮  
陽四派不載君綽名不知其出自何系也碑無撰  
人姓名惟一行云殷王府下文館高正臣書兩史  
亦無傳惟宰相世系表有正臣官襄州刺史殆卽  
其人後卷上元三年明徵君碑御製文高正臣奉  
勅書結銜云朝議郎行左金吾衛長史侍相王書  
而此有殷王府字文館字彼此不同惜此碑不見  
其全也張懷瓘書斷云正臣廣平人官至衛尉少

卿習右軍法元宗甚愛其書自任潤州湖州筋骨

漸備任申邵等州體法又變据此又可得其歷官

之詳也碑敘先世有曰祖口北齊舉秀才授缺三

功曹下皇朝拜使持節汝州諸軍事汝州刺史下

自祖以上必是敘其曾祖事皇朝以上必是敘其

父事此下云弁歲口忠信之甲冑口儒墨之域口

此卽敘君韓本事弁歲猶言卅歲也曰義寧之始

口口都投義下此敘隋末事曰鳳邸于時國步多

艱方隅未一下此敘太宗晉陽事鳳邸指太宗也

曰日年授忠武將軍行左監門中郎將加護軍口

衛此似貞觀初年事曰詔於元武北門留守賜綵  
一百段洎變輿旋闕資物如前此似指貞觀十九  
年伐高麗事曰迨乎從幸靈武賜馬兩匹口綵五  
下詔公居守宮闕之重帟蔽之寄座承天盼彌効  
忠肅此指二十年七月如靈州之事似乎初從幸  
繼而奉詔居守也曰廿三年正除右領軍將軍加  
上護軍檢校左武侯將軍永徽之初兼檢校左武  
衛將軍又檢校右武侯大將軍兼知右箱諸門兵  
馬隊使曰加上柱國及天驛口巡以公留守稱旨  
賜黃金一百兩絹一百五十疋似指顯慶五年如

洛陽宮事曰從幸許州勅檢校左衛將軍是永徽  
二年十一月事曰太子左衛率詔拜口領軍龍朔  
二年冊拜左戎衛大將軍兼太子左典戎衛率唐  
書百官志龍朔二年改太子左右衛率府曰左右  
典戎衛蓋以新改之官冊拜也曰春秋六十有二  
以龍朔口口口廿五口口朝薨于口廡年月已  
泐蓋早朝時薨于朝堂之廡也曰詔贈缺軍事荆  
州刺史贈絹口四百段口粟四百石陪葬昭陵三  
年歲次癸亥二月乙酉朔十日壬寅遷窆于陵  
東南謚曰襄公薨于龍朔二年葬于三年二月以

乙酉朔推之壬寅爲十八日也日上柱國口基等  
口基是君綽之子惜缺其名上一字末行但有日  
建二字又一行曰萬寶哲刻字建碑年月全泐大  
抵卽在三年而刻字姓名獨全何其幸也碑之可  
見者大略如是

道因法師碑

碑高九尺四寸五分廣四尺一寸三分三十四行行  
七十三字額題汝大德因法師碑正書在西安府學  
大唐故翻經大德益州多寶寺道因法師碑文 并序

中臺司藩大夫隴西李儼字仲思製文

奉義郎行蘭臺郎渤海縣開國男騎都尉歐陽通書

大哉乾元播物垂象肇有書契文籍生焉雖十翼精微  
陰陽之化不測九流沉奧仁義之塗斯闡而勞生蠢蠢  
豈厭塵門闔海茫茫恒漚苦浪亦有寶經浮說錦籍寓  
詞駕鳳升雲驂龍棲月跡均轉縷空澗志於邪山事比  
繫繩詎知方於覺路孰若訓昭金口道秘瓊箱靜滃毒  
於三漏拯橫流於五濁是生是滅發蓮化之音非色非  
空被梅檀之蔭暨乎鶴林稅軀涅槃之岸先登鳥筆記  
言摠持之苑斯闢結集之侶揚其實諦傳授之賓宏其  
妙理然則紹宣神典幽贊靈宗跨生肇以遐騫追安什  
而曾鷲可以聲融繡石采絢雕圖則於我法師而見之

矣法師諱道因俗姓侯氏濮陽人也自繞樞凝祉紀雲  
而錫屨貫鼎構祥莫川而分緒司徒以威容之盛垂範  
漢朝侍中以才晤之奇飛芳晉牒衣冠繼及代有人焉  
祖闕齊冀州長史父瑒隨栢仁縣令竝珠磨道德砥錫  
文藝或題輿展驥贊務於千里或亨蠡製錦馳聲乎一  
同法師稟祐居醇含章縱哲覃訃之歲粹采多奇髫髻  
之辰殊姿獨茂孝愛之節慈順之風率志斯在因心以  
極季甫七歲丁于內艱啗粒絕漿殆乎滅性成人之德  
見稱州里免喪之後乃伐宏誓而以風樹不停浮生何  
恃思去髮膚之愛將酬罔極之恩便請靈巖道場從師

習誦而識韻恬爽聰悟絕羣曾不浹旬誦涅槃二表舉  
衆嗟駭以爲神童逮乎初卅方蒙落髮於是砥行飭躬  
架德緝道篋虵能翦心援久制迦流增智望非加勤在  
疑必請見義思益尋講涅槃十地洞盡幽微宿齒名流  
咸所歎異及受具戒彌復精苦若浮囊之貞全譬圓珠  
之朗潔始聽律義遍訖便講辯析文理綜核指歸十誦  
之端五篇之蹟寫瓶均美傳燈在照又於彭城嵩論師  
所聽攝大乘嵩公懿德元猷蘭薰月暎門徒學侶負貫  
身集講室談筵爲之踟蹰遂依科戒而爲節文季少沙  
門且令習律曉四分者方許入聽法師夏臘雖幼業行

攸高獨於衆中迴見推挹每敷攝論卽令覆講而披演  
詳悉詞韻清暢諸方翹俊靡弗歸仰於是遍窺粹典咸  
通密藏五乘之說四印之宗照盡幾初言窮慮始每振  
衣講席隱几雕堂舉以玉柄敷其金膝渙乎冰棒頽然  
理順延惠風而不倦同彼清流膺來響而無疲類夫虛  
谷摺紳之客慕義波騰緇黃之侶承規景赴法師志求  
冥寂深厭躡滓乃負裘褰裳銷聲太嶽復谿局岫飲露  
餐霞樹偃禪枝泉開定水凡經四載將詣洛中屬昏季  
陵夷法網屢峻僧無徒侶弗許遊涉於是杖錫出山子  
焉孤邁恐罹刑憲靜念觀音少選之間有僧欵至皓然

白首請與俱行迨至銅街暨於金地俯仰之際莫知所  
在咸謂善逝之力有感斯見非夫確至曷以臻乎既而  
黃露興祆丹風起孽中原蕩覆具禍以蓋法師乘杯西  
邁避地三蜀居於成都多寶之寺而靈關之右是曰隩  
區遠接荆舒近通邛犍邑居隱軫人物踳湊宏才巨彥  
碩德高僧咸挹芳猷歸心接足及金符啓 聖寶應

乘時運屬和平人多好事導靈流於已絕闢妙門之重  
鍵法師以精博之敏爲道俗所遵每設講筵畢先招迓  
常講維摩攝論聽者千人時有寶暹法師東海人也植  
藝該洽尤善大乘昔在隋朝英塵久播學徒來請接武

磨肩暹公傲爾其間仰之彌峻每至法師論義肅然改  
容沉吟久之方用酬遣法師抗音馳辯雷驚波注盡妙  
窮微藏牙折角益州摠管鄧國公竇璡行臺左僕射贊  
國公竇軌長史申國公高士廉范陽公盧承慶及前後  
首僚并西南嶽牧並國華朝秀重望崇班共籍聲芳俱  
申虔仰由是梁嶠之地庸濮之毗飲德餐仁雲奔雨集  
法師隨緣誨誘虛往實歸昔曇翼高奇教闡沉犀之壤  
法和通敏道著蹲鴟之域協時揆事抑亦是同考業疇  
聲彼則非衰而以久居都會情異似真養中晦跡可求  
天解復於彭門山寺習道安居此寺往經廢殿院宇凋

獎法師慨然構懷專事營輯若乃危巒迢遞俯瞰龍隄  
絕磴逶迤斜臨鴈水近對青城之巖迤嶺赤里之街雲  
樹叅差星橋縈映於是分巖列棟架壑疏基窈窕陵空  
徘徊單景松吟竹嘯共寶鐸以諧聲月上霞舒與宛題  
而並色仙花祕草冬夏開榮擾獸馴禽晨昏度響諒息  
心之勝境毓道之淨場乎而以九部微言三界式仰緬  
惟法口將翳龍宮揮兎豪而匪因猶魚網而終滅口口  
鐫勒口口永昭弗朽遂於寺北巖上刻石書經窮多羅  
之祕藜盡毗尼之妙義縱洪瀾下注巨火上焚俾此靈  
文永傳遐劫豈直迷生之類視之而發心後學之徒詳

之而悟道既而清猷遠暢峻業遐昭遂簡宸衷乃

紆天敕追赴京邑止大慈恩寺與元奘法師證釋

梵本奘法師道軌通賢德隣將聖揭遊天竺集梵文而  
爰止旋謁皇京奉綸言而再譯以法師夙望

特所欽重瑣義片詞咸取刊證斯文弗墜我有其緣慧  
日寺主楷法師者聰爽溫瞻聲滿鴻都乃首建法筵請  
開奧義帝城緇俗具來諮稟欣焉相顧得所未聞

諸寺英翹灑然祇服咸敷師子之坐用佇頽仰之音法  
師振以靈詞宣乎幽偈同炙轆而逾暢譬連環而靡絕  
者季粹德曠土通儒粉帶稽疑雲消霧湧伏膺請益于

嗟來暮惟法師姿韻端凝履識清敏粹圓內蘊溫采外  
融運柔嘉以成性體齋邀而行己峻節孤上夷險同貫  
沖懷不撓是非齊躅加復研幾史籍尤好老庄咀其菁  
華含其腴潤包四始於風律綜五聲於文緒宿植勝因  
恬榮祿欲善來佛子落采菴園開意花於福庭濯元波  
於妙境而貞苦之操絕衆超倫聰亮之姿踰今邁昔信  
法徒之冠冕耀氏之棟梁乎凡講涅槃華嚴大品維摩  
法華楞伽等經十地地持毗曇智度攝論對法佛地等  
論及四分等律其攝論維摩仍出章疏旣而能事畢矣  
宏濟多矣脫屣於膠境棲神於淨域春秋七十有二以

顯慶三年二月十一日終於長安慧日之寺梵字藏良  
真門喪善悲纏素侶慟結縉徒卽以四季正月旋乎益  
部二月八日寔於彭門光化寺石經之側道俗門人星  
流波委銜哀追送衆有數千巖谷爲之傳響風雲於是  
變色慧日寺徒衆竝蠲邪廸妙綜理探微保素真源歸  
塵正道自法師戾止咸共遵崇追思靡及情深軒慕弟  
子元凝等稟訓餐風斯稱上足而以慈燈罷照崇山無  
仰循堂室而濡涕對几帟而流慟敬於此寺刊金撰德  
氣序雖遷音塵方燭亦猶道林英範託縉礎以長存慧  
遠徽猷寄雕碑而不朽其詞曰

緬哉佛性廓矣。應門功昭曠劫。化拯重昏。冲儀已謝。妙  
道斯存。匪伊開士。孰暢其言。於顯法師。誕靈傑起。如松  
之秀。如巖之峙。穆穆風規。堂堂容止。行窮際括。識洞名  
理。爰初紐錦。早厭樊籠。言從落飾。乃沐靈風。將超八難。  
卽晤三空。貞圖可仰。峻範彌融。鹿野微詞。猴江悼典。源  
流畢究。奧隅咸踐。法鏡攸懸。信花彌闢。振嶽符論。奔濤  
喻辯。昔在昏虐。時逢禍亂。東去戡道。西遊違難。天啓聖  
期。光華在旦。翼教嶠益。騰聲巴漢。爰雕淨境。于彼曾岑。  
分欄架壑。聳塔依林。搜經緝義。篆石瑯金。芥城斯盡。勝  
跡無侵。載奉 王言來遊 帝宅慧義資演真宗

竹譚紫庭之彥丹臺之客竝企清儀俱餐妙蹟淪義口  
□□□□光遠嗟分岸永泣摧梁龜留舊影室泛殘香  
書芬紀藹地久天長

龍朔三年歲次癸亥十月辛巳朔十日庚寅建

華原縣常長壽范素鎬

唐道因法師碑中臺司藩大夫李儼撰蘭臺郎騎都

尉歐陽通書通率更令詢之子

東里續集

道因與元奘同譯經者見高僧傳碑文亦宏麗饒其

家言然去簡栖頭陀不啻一小劫耳

會州山人四部稿

古人晤悟二字多通用此碑才晤聰晤卽晤三空皆

是悟字而王右軍蘭亭序晤言一室之內又以晤爲  
晤陸雲逸民賦明發晤歌亦以晤爲晤

金石文  
字記

蘭臺父子齊名號大小歐陽然率更世傳數碑而蘭  
臺止存一道因碑率更楷法源出古隸居唐楷第一  
而蘭臺早孤購求父書不惜重費力學不倦作書每

用批法蓋學其父也

庚子鎮  
夏記

右多寶寺道因法師碑唐百官志有品有階有爵有  
勲以大夫入銜者惟左諫議大夫諫議大夫御史臺  
大夫而已若文官散階自光祿大夫至朝散大夫凡  
十一階而無司藩大夫自朝議郎至將仕郎凡十六

階有奉議宣義而無奉義龍朔二年改尙書省曰中  
臺自尙書令而下以六尙書爲屬未嘗有司藩也或  
者在宗正寺之屬然改曰司宗而非司藩也改秘書  
省曰蘭臺秘書郎曰蘭臺郎其曰行者以奉義之下  
連用郎字恐階與職不辨也歐陽公云唐之盛時職  
有常守位有常員其爲法則精而密其施于事則簡  
而易行至于交侵紛亂首出其時君徇一切之苟且  
故其官益冗名類繁多莫能徧舉卽此碑司藩奉義  
在當時爲顯著之名至于今不可考究則官制之蔽  
弊可見已縣開國男從五品爵也而勳級騎都尉亦

從五品奉義或卽奉議與秘書郎皆從六品勳爵左  
階品上二等者或以賢能或以功績轉而上之也當  
時雖從五品皆有勳爵鼓勵之意寓焉今則貴賤懸  
殊五等之列無幾人矣

金石後錄

此碑題額上書三菩薩名字與碑文大小略同審之

亦通筆也前人並未錄過

關中金石記

右道因法師碑其云中臺司藩大夫者通鑑龍朔二  
年二月改尙書省爲中臺胡三省注謂二十四司郎  
中皆改爲大夫主客爲司蕃杜岐公通典所載同惟  
司蕃作司藩以是碑證之則通典爲正唐書百官志

武德三年改司藩郎曰主客郎中龍朔二年改禮部  
曰司禮祠部曰司禮膳部曰司膳獨不及主客之爲  
司藩蓋轉寫漏脫爾儼書郡望書字而通獨否未詳  
其故蘭臺郎卽秘書郎亦龍朔所改也碑有具禍以  
盡語今木毛詩作燼攷說文無燼字火餘之燼當作  
夷方言盡餘也白關而西秦晉之間坎薪不盡曰盡  
則盡夷本一字馬融長笛賦盡滯抗絕李善注盡與  
燼同陸元朗詩釋文亦作盡蓋唐初諸儒傳授之本  
如此釋文雖云或作燼然夷已从火不應更著火旁  
疑流俗所改故陸氏不從之也賈軌傳封贊皇縣公

宰相世系表書鄴公此傳贊國公蓋由贊皇縣公進國公而傳失書耳軌父恭仕周封鄴國公故軌亦承父封鄴省邑旁作贊古字通用也

潛研堂金石文跋尾

按此碑額上刻釋迦牟尼觀自在大勢至三佛像俱題字撰文者李儼兩唐書無傳惟法苑珠林卷首有李儼序是總章元年三月作與此碑相距五年故結銜作朝散大夫尚書侍郎與此異也碑曰製文與上官靈芝之製王居士塔銘同例書者歐陽通兩唐書俱附其父詢傳所敘通事始自儀鳳年此碑立於龍朔三年所題銜傳俱從略其母

曰渤海縣開國男乃是襲父封也碑云法師諱道  
因俗姓侯氏司徒以威容之盛垂範漢朝侍中以  
才晤之奇飛芳晉牒司徒謂後漢侯霸於嚴有威  
容光武初累進大司徒侍中謂晉侯史光受學於  
劉夏舉孝廉爲散騎常侍兼侍中此下敘先世祇  
祖父二代祖闕齊冀州長史父場隋柏仁令齊隋  
二書俱無傳柏仁漢晉皆作柏人東魏改曰柏仁  
隋書地理志屬襄國郡也碑此下述道因之事云  
年甫七歲丁于內艱乃發宏誓便詣靈巖道場從  
師習誦計不淡旬誦涅槃二帙靈巖道場在山左

今屬濟南府長清縣宋時寺中有講經律論三門  
僧職觀此知在唐時經藏已備也開元釋教錄載  
涅槃部共五十八卷六帙其中大般涅槃經四十  
卷四帙其云不決旬誦二帙是二十卷成誦也又  
云又於彭城嵩論師所聽攝大乘釋典有大乘小  
乘大乘經律論總六百三十八部而其中論九十  
七部嵩公謂之論師或是聽講大乘中之論部也  
又云凡經四載將詣洛中屬昏季陵夷法網嚴峻  
僧無徒侶弗許遊涉杖錫出山靜念觀音有偈白  
首請與俱行俯仰之際莫知所在此紀觀音之靈

跡也各寺觀音皆女像惟錢塘天竺夢泉供出山  
觀音是男像亦白首老人與碑所紀同也又八乘  
杯西邁避地三蜀居於成都多寶之寺此下金符  
啓聖寶歷乘時云云是入唐以後事曰益州總管  
鄧國公竇璣行臺左僕射贊國公竇軌長史申國  
公高士廉范陽公盧承慶兩唐書傳竇璣字之推  
從太宗平薛仁杲尋鎮益州未幾拜秘書監封鄧  
國公竇軌字士則父恭仕周爲雍州牧鄧國公高  
祖起兵軌迎謁從平京師封贊皇縣公赤排羌寇  
漢中連戰有功復鄧國舊封武德三年遷益州道

行臺左僕射高儉

詳見前碑

貞觀元年出爲安州都督

轉益州大都督府長史盧承慶父赤松武德中封

范陽郡公卒承慶襲爵永徽初爲褚遂良所搆出

爲益州大都督府長史按此四人官益州非同時

之事碑蓋台前後而總敘之也高士廉官長史時

未封申國及封申國則已同中書門下三品碑則

敘其先爲長史而加以後封之爵也又云赴京邑

止大慈恩寺與元奘法師證釋梵本大慈恩寺建

於貞觀二十二年道因與元奘譯經當在此年之

後當時同譯諸僧尙有多人道因賴有此碑而傳

標題稱翻經大德洵沙門美號也

濟度寺尼蕭法願墓志

石方廣二尺三寸三十四行

三十四字正書在西安府學

大唐濟度寺大比丘尼墓誌銘 并序

法師諱法願俗姓蕭氏蘭陵蘭陵人梁武帝之六葉

孫唐故司空宋國公之第三女也原夫微子去殷昭

茂勲於抱樂文終起沛北峻伐於收圖瓊構鬱而臨雲

珠源森而浴日延禎錫祚開鳳輿於宋方疊慶聯規纂

龍符於紫蓋逮鼎遷南服胃徙東周英靈冠上國之先

軒冕宅中州之半法師乘因夔劫植本還生孕月仙姿

稟清規於帝渚儀星寶態降淑範於台門襍祿之辰先  
標婉質醫亂之歲遽挺柔情聰悟發於生知孝友基乎  
天縱中外姻族莫不異焉加以骨象無儔韶妍獨立鈇  
華不御衫絢春桃玉顏含澤光韜朝舞年將十歲頗自  
矜莊整飾持容端懷檢操每留神於擊悅特紆情於紉  
組瓊環金翠之環茵簞衾幃之飾必殫華妙取翫闈閣  
麗而不奢盈而不溢旣而疏襟學府繹慮詞條一覽而  
隅奧咸該再覲而英華畢舉豪飛八體究軒史之奇文  
法兼二妙符衛姬之逸迹羣藝式甄女儀逾劭 宋公  
特深撫異將求嘉匹載佇孫龍以光宋鯉而嚴庭垂訓

早沐慈波鼎室承規幼明真諦飄花兒雪初陪太傅之  
歡適素爲香遠警息慈之念爰發宏誓思證菩提懼塵  
情於六禮乃翹誠於十誦承間荐謁請離俗緣 宋公  
論道槐端丹青神化度襟柰苑棟梁正法重違雅志許  
以出家甫及笄年爰披法服乃於濟度伽藍別營禪次  
庭標鳳塔遠葺城臺藏寫龍宮遙唵骨節於是空寂  
念襲慧薰心悅彼口衣俄捐綺殺甘茲蔬膳遽斥膾腥  
戒行與松栢齊貞慧解共冰泉等澈超焉拔頰恬然宴  
坐若乃弟兄辨供親屬設齋九乳流音六鉢含馥瓶錫  
咸萃冠蓋畢臻唯是瞻仰屏帷遙申禮謁自非至戚罕

有覩其形儀者焉加以討尋經論探窮闔域嚴垢路之  
微言括毗尼之遠旨至於法華般若攝論維摩晨夕披  
誦兼之講說持戒弟子近數十人莫不仰味真乘競趁  
丹枕傍窺淨室爭詣元扉肅肅焉濟濟焉七衆之仰曇  
彌何以尚也重以深明九次閱想禪枝洞曉三空澄襟  
定水厥此纏蓋忽現身疾大漸之晨謂諸親屬曰是身  
無我取譬水萍是身有累同夫風葉生死循環寔均晝  
夜然則淨名申誠本乎速朽能仁垂則期於早化金棺  
乃示滅之機玉匣豈栖神之宅誠宜捐軀犖鳥委形嗟  
猷歛衿正念奄然無言粵以龍朔三年八月廿六日捨

壽於濟度寺之別院春秋六十三姊弟永懷沉痛不忍  
依承遺約乃以其季十月十七日營空於少陵原之側  
儉以從事律也法師夙盥禪池資慶源而毓彩口口道  
樹託華宗而降靈蘊地義於閑和苞天情於婉慤觀一  
善則怡然自悅聞一惡則怒爾疚懷激仁義於談端明  
色空於慮表故能離合間託禪門捨七环祛八膳精苦  
之行口映縮徒戒律之儀鑄鉢法侶佇津梁於苦海奄  
滅度於仁祠棣萼分華悲素秋之改色荆株析幹望青  
枝而增感所懼塵飛海帶將迷渭澗之瑩石盡仙衣不  
辨檀溪之隧重宣此義乃爲頌曰

口有殊稱法無異源爭驅意馬俱制心猿志擾情奈神  
疑理存展如淑範獨趣靈門旋彩口分瑤姿月舉含芳  
槐路疏貞桂序雲吐荆臺霞霏洛渚學兼班媛詞彬蔡  
女莫禽匪志口昭仁捐華台室沐道靈津法關開捷  
心衝屏塵九流遺累八定栖真忍藥分茲戒香口烈傳  
燈不倦寫瓶無竭奄愴神遷空悲眼滅式鐫柔範終天  
靡絕

今在西安府儒學近出土中移於學內題曰大唐濟  
度寺比丘尼墓誌銘并序無書撰人姓名

雍州金石記

按漢書諸侯王功臣外戚諸表元孫之子卽爲六世

瑀爲梁武帝之元孫而其女稱六葉孫蓋從漢表之例也瑀好浮屠法嘗請于太宗欲捨家爲桑門自度不能爲乃止而其女及女孫相繼出家于濟度寺蓋

瑀之志也

清研堂金石文跋尾

按雍州金石記但稱近出土中而不詳得碑所在碑文云營空於少陵原之側檢陝西通志山川門咸寧縣少陵原在縣南四十里東接萬年縣界西入縣界五里然則碑當出于此處矣通志祠祀門西安府不載濟度寺長安志云安業坊東南隅有濟度尼寺注云隋太師申國公李穆之別宅穆妻

元氏立爲修善僧寺其濟度尼寺木在崇德坊永  
徽中置宮乃徙於此其額太子少詹事殷令名所  
題蓋卽此寺也碑稱法師俗姓蕭氏蘭陵蘭陵人  
梁武帝之六葉孫唐故司空宋國公之第三女也  
梁書武帝紀稱武帝爲南蘭陵中都里人唐書宰  
相世系表蕭氏在漢時彪始徙蘭陵至望之徙杜  
陵其孫紹復還蘭陵至晉時整爲淮南令過江居  
南蘭陵武進之東城里蓋蘭陵本屬徐州部東海  
郡南史齊高帝紀其先本居東海蘭陵縣高祖整  
過江居晉陵寓居江左者皆僑置本土加以南名

更爲南蘭陵郡至齊末廢蘭陵郡但有蘭陵縣至  
隋開皇九年并省蘭陵縣唐時但有晉陵武進二  
縣而已碑稱蘭陵蘭陵者仍其舊貫而蘭陵之上  
當有南字亦從省也梁武帝二世曰統三世爲統  
之第三子譽是爲後梁宣帝四世爲譽之子歸是  
爲後梁明帝五世爲歸之第五子瑒至法師爲瑒  
女是爲武帝六世孫不言六世而云六葉避諱也  
瑒之封宋國公在高祖定京城時太宗時除而又  
復其司空則瑒後所贈瑒有惡謚曰貞徧碑故諱  
而不書也碑云微子去殷昭茂勲於抱樂文終起

沛兆峻伐於收圖宰相世系表蕭氏爲徵子宋公  
之弟仲衍八世孫戴公生子衍裔孫大心平南宮  
長萬有功封於蕭以爲附庸子孫因以爲氏至漢  
丞相鄉文終侯何二子遺則則生彪始徙蘭陵者  
也文云甫及笄年爰披法服乃於濟度伽藍別營  
禪次法華般若攝論維摩晨夕披誦兼之講說持  
戒弟子近數十人以龍朔三年八月廿六日捨壽  
於濟度寺之別院春秋六十有三姊弟永懷沈痛  
以其年十月十七日營空於少陵原之側棣萼分  
華悲素秋之改色荊株析幹望青枝而增感玩棣

粵之語似碑文卽姊弟輩所述且宋公不稱名尤足徵也法師有弟子數十人而營葬乃屬之姊弟則身雖出家仍非漠然於姊弟者矣師爲瑀之第三女則上有二姊碑有弟兄辨供之語則是有上兄下弟也瑀有三子銳錯鉞不知孰爲師之弟也辨與辦通用周禮考工記以辨民器注辨猶具也碑書辨供猶辦供也營空疑卽營窆之義或借空爲窆字又空與孔同孔與穴同義瑀之孫女爲鉞女亦出家濟度寺爲尼名惠源塔誌亦作神空

金石萃編卷五十五

賜進士出身 誥授光祿大夫刑部右侍郎加七級王昶撰

唐十五

李文墓志

石高廣均二尺五分二十四行行  
二十四字正書在同州府金塔寺

大唐故騎都尉李君墓誌銘

君諱文字緯隴西成紀人周柱史躡之後也原夫靈島  
含靈□□□誕聖跡爰履莘女載生命氏開家其來尚  
矣至如□□□□□樹姓焉自紫氣西浮瑤源已濬仙  
丹東汎玉葉□□□□□可略言矣曾祖□齊金郡

太守恤人求瘼雨逐口口口政口風鸞隨馬去祖寔周  
任定州錄事參軍鉤深索隱陳風格以繩違隨要探機  
肅霜毫糺繆父 幼承詩禮早奉金羸綺歲談 天 韶年  
對月務舉晉王府參軍事君克劭菑堂載揚弓冶昭彰  
口緒淑郁家風時屬未隨不違儒業所以學未優贍志  
在前鋒應接義旗忠誠可紀錫以戎律實給寵章授騎  
都尉方當矯翼雲路騁足長衢豈知天不憖遺穢良奄  
及藏舟易往隙馬難口茲露一朝生平萬古以永徽二  
年十月廿九日碎於私第春秋七十有一夫人彭城劉  
氏闔門從訓斷織流慈旣勗魚官還嗤馬跡實光君子

簪比蒿藜何啻眉壽不終頽職遽謝以麟德元年二月  
二日卒春秋八十有二日以麟德元年歲次甲子二月  
己卯朔十八日丙申合葬於同州馮翊縣武城鄉之平  
原禮也孤子武仁等追惟姑妣載想蓼莪而風樹以銜  
悲仰高堂而灑泣痛深曾閔酷甚柴由永薦冰魚長羞  
雪竹恐陵谷更貧乘海平遷敗勒遺塵式銘靈石云尔  
履跡孕靈指樹含生躄浮氣紫膺帆舟輕達人知足至  
理無名分枝迺聖弈萊惟英其一天長地久人事推遷  
鶴書易促鴈識難延既壽山壽終奄瓊年風停郢斨波  
輟牙絃其二一從蒿里四野蒼芒春雲結縵秋日凝光

坐寒吹急壘晦煙長聊旌琬碧式紀遺芳

碑曰公諱文而不言其姓蓋石斷而亡其半爾文休承題其幟曰李將軍碑考唐書及集古錄金石錄碑目皆無李姓名文者人無可紀史不悉載天下碑闕至多趙歐不能兼收理或有之第碑又曰夫人李氏禮不娶同姓則文似非李也唐初功臣率多賜姓而碑敘官闕有曰開國承社得非先娶李而後亦賜姓者與休承察稱博洽且不輕妄余是以疑之

金石評考

同里曹生仲經嗜金石文手拓同州李君碑示予紙墨精善對之眼明碑未詳書者姓氏觀其峻利秀逸

非王知敬殷仲容不能造詣及此李君諱文字緯東  
漢以後字必以兩字稱一字者罕矣載於唐書房元  
齡字喬顏師古字籍李衆字師李琇字琇張巡字巡  
郭曜字曜字文審字審李恢字祚李條字堅竇思仁  
字恕張義方字儀此外不多見

唐書  
李集

貞觀時有李緯太宗征遼房元齡居守以緯爲民部  
尚書疏至太宗曰緯好鬚齡聞遽易之彼緯其名此  
緯其字也

來齋金石  
刻考略

此銘不著書撰人名氏然文特瘦削語不煩而意足  
與王居士磚塔銘同疑亦是上官靈芝撰書法瘦勁

大得褚公手意亦與磚塔銘同則知亦敬客所書二  
碑一在顯慶元年丙辰一在永徽二年辛亥相去不  
過五六年其時同其書又同則知的爲敬客書無疑  
特當時未嘗下欵而敬客書名不著故知之者渺耳

虛舟

題跋

文云君時孺隨末不逞儒業所以學未優贍志在前  
鋒云云其云學未優贍諸語可見古人直書無隱不  
似近人虛美也

雍州金  
石記

誌敘李君與夫人合葬而標題獨書李君唐人墓銘  
之例不苟爲牽連如此然于曾祖及父闕諱而祖得

書名又稱父舉晉王府參軍事晉王卽高宗未爲太

子時封號也

授堂金石跋

按金石評考以爲碑曰公諱文而不言其姓蓋石斷而亡其半今觀此石未嘗斷字未嘗亡且標題已著李君之在文中不必再言李氏下文所引典實皆推原其始則姓自見唐碑誌銘之例如此也李文兩唐書無傳宰相世系表隴西李氏各房俱無其人祖諱突周書亦無傳父舉晉王府參軍事授堂跋以爲晉王卽高宗未爲太子時封號按高宗封晉王在貞觀初年碑敘其父云幼承詩禮早

奉金篋綺歲談天韶年對月則是舉晉王府參軍  
事尚在隋時下文乃述君事云時屬末隨不遑備  
業云云可證也所謂晉王者當是隋煬帝封號煬  
帝以開皇元年封摠碑稱李君以永徽二年卒春  
秋七十有一推其生在開皇元年迨君之長正值  
清末則君生之時父在髫年也君以應接義旗授  
騎都尉記官位止于此他無可述也碑書卒作卒  
外說文也葬于馮翊縣似其時遷居同州矣夫婦  
合葬同敘一碑初見於此碑明言夫人彭城劉氏  
不知何以金石評考云李氏而有不要同姓之語

疎忽甚矣孤子武仁等亦無考

贈泰師孔宣公碑

碑連額高一丈四尺三寸廣五尺三十一行行八十二字隸書額題大唐贈泰師魯先聖孔宣尼碑十二字篆書在曲阜孔廟

大唐贈泰師魯國孔宣公碑

秘書少監通事舍人內供奉臣崔行功奉勅撰

文奉勅直祕書行祕省書學博士臣孫師範書

臣聞形氣肇分宗匠之塗遂廣性情已著名教之理攸興是故雕刻爲妙物之先粉澤成真宰之用若其明語弃智則聖非攘臂之端莊寄齊諧禮必因心之範雖九

流爭長百家競逐而宗旨所歸典墳取俊夫軒義已謝  
子姒迭微步驟殊方質文異轍及流爨起譟箕服傳詆  
憲章版蕩風雅淪喪然而千齡接聖崇朝可期五百見  
賢伐柯未遠粵惟上哲降生圮運理接化先德充造物  
財成教義彌綸之跡已周口口心靈範圍之功且峻利  
仁以濟幽顯垂訓以需動植自歎起臨川道窮反袂西  
峯望玉幾燼蒼山東野柔乘多塵碧海屬混元再造休  
明一期雅頌之音復聞郊禋之禮還緝跨巢胥之逸軌  
邁龍鳥之遐風瞻白雲而昇介丘翼蒼螭而過沂上而  
令千祀之外典冊遂隆九泉之下哀榮方緝斯迺命爲

平說道不預謀豈如箕山之魂空成寂漢信陵之墓徒  
復經過將知龍蛇之蟄潛契於天壤聖智所遊高懸於  
日月言之不可極其唯孔泰師乎泰師諱丘字仲尼魯  
國鄆人有殷之苗裔也分於宋則孔父嘉爲大司馬弗  
父何以國讓其弟厲公正考父佐戴武宣而受三命居  
於魯則有防叔伯夏叔梁紇紇生泰師若夫天命繫鳥  
玉筐隆其潛哲瑞啓白狼瑤臺繁其錫類武王覆夏仍  
遷象物之金有客在周復奏乘林之樂茲忝喻尸臣之  
鼎高讓拒延吳之風令緒昌源煥乎已遠至如象緯疑  
質則傳說巫咸嵩華降神而申伯吉甫在於郊臨巨跡

符中野之口水帶丘阿造均反字之慶韞乾坤之精粹陶陰陽之淑靈度九圍十河目海口放勛文命有喻於儀形子產卑繇微詳於具體孟孫言其將聖泰宰辭其多能神闢繫表性與道合時初撰屢已訓魯卿年未裘裳先窺周室猶且學期上達業遵下問龍如藏史或訪禮經碧准其釋言詢易象曲臺相圖廣陳揖讓之容師摯師襄屢辨興亡之極因羅六藝經緯十倫加以思入無方情該至蹟陳庭矢集懸驗遠飛季井泉開冥口幽怪新萍汎日能對於楚賓舊骨淪風旋訓於越使藏往知來之際微妙靈通之旨不可以龜策求不可以筮

蹄得及其譽闢曲阜南宮展師資之敬應務中都西隣  
化諸侯之漚冬官效職五土得其攸宜秋令克宣兩觀  
展其刑政講疏墓道且抑季桓田歸汶陽遂凌齊景尊  
君卑臣之訓自家刑國之術每惆悵於興周亦畱連於  
韶管然而高旻不惠彼曰浸微起哀怨於王風絕歸飛  
於鳴鳥是邦可化斯道欲行暖席典憂問津匪倦俎豆  
嘗說空及三軍之容季孟有言不接雙雞之膳旻平推  
士尚或相排子西讓王終成見拒亦有宋朝司馬喬木  
難休衛國匡人逆旅焚次荷蕢微者翻嗟擊磬之心儀  
封細人潛明木鐸之意既而在斯興感用輟棲遑任簡

斐然彌望，鑿旋駘舊館，掃筵闕里，杏壇居寂，緇林地  
幽，知十稽微得二承妙，科斗所載，方閱舊文，雖鳩在篇，  
遍詳雅什，河漢跳鼓，鏗鏘之響，復傳宗廟，衣裳升降之  
儀，還序博約，無倦誘喻，多方后稷，躬耕近關，勸物伯夷，  
餒死猶可，激貪周公，其人則神，交於夢想，管仲小器，歎  
微之於征伐，信立德立言，秦上謂之不朽，曰仁與義前  
哲以之，周庭覆篲，爲山喻天階，而不陟，讀易無過，假日  
蝕以鳴謙，茨嶺岫山寄言於獨善，口情風御未涉於通  
莊姓孫數極作侔，易簡是知終掖，迺兼濟之塗，華袞非  
爲政之要，及其愚智，齊武椿菌如一，南楚狂獨，舊辯鳳

衰東魯陪臣奄成麟斃展與負杖知命發於話言夕寐  
奠盃將萎傷其直處崇山口谷□□下而無由隕石沈  
星架大梁而何有門人讖服俱纏至極之哀國史制詞  
永錫怒遺之誅及延深夏屋樹列遠方五勝迭遷六籍  
無准席閒初剛已舛微言入室且分過乖大義秦人蛙  
沸遺燼翳然漢代龍驤挾書未翦元封有述殘缺載陳  
甘露嗣蹤搜揚復起春陵受命先訪於膠庠譙郡膺符  
多招於文學遠江馬南度泉鵝北飛鴟入環林鯨衝聖  
海有隨交喪中原翦覆東序南雍鞠爲茂草六樂五禮  
皆從煨室欽若

皇唐肇膺明命

祖

武宗文之業天成地平之勲圖書因樂推重干戈由寧  
亂集刻舟創浮芹藻之詩先遠戎衣初卷羽箭之節旋  
興  
皇上以聖敬而撫璇圖  
文明而膺寶

靈夏啟挹口光兆姬誦讓其惟清化入龍沙風移鯨海  
金丘展畫瓊田薦賅潛馬飾黃芝之封浮龜吐綠文之  
籍虞庠殷塾廣賓危叟逢嶺石渠明延悼誨垂衣裳而  
凝想虛  
流績以永懷至於大道浸微小康遂往羸

譏紫口口口云呵剗風白金徒遵高里黃初正始時多  
閒然建武永平業非盡善而迺作樂崇惠殷薦之禮畢  
陳有孚載譽觀下之訓齊設肆類藝望孝享之義益隆

歸功

三后尊祖之誠逾切

詔褒中而徵萬主

□□□以召百靈一茅分茹雙鶴共羽翠華遠昇藉席  
虛位 上帝儲祉泰壹有暉山祇傳聲海神會氣九

皇之况榮可嗣三代之闕典還屬迺使朱鳥詳日蒼威

戒路七萃騰景八鑿鐸風過大庭以省方掩洙上□□

□□居莫辯祠堂歸然見馬鬣於荒墳識櫬檀於古塋

歎重泉之可作聞盛德而必祀言敷典訓廣命材材贈

以泰師式旌幽壤改製神宇是光令德于時 皇唐之

御天下四十有九載卽乾封之元年也攝提口歲句芒

獻節兗州都督霍王元軌大啓藩維肅承 綸詰庀徒

揆日疏閑薙遠接泮林之舊壇削靈光之前殿徂來新  
甫伐喬木而韻流嚶岱吹泗濱採怪石而喧浮磬頽紫  
施絢黝黛飛文杳拱重櫺春窓秋幌陰欄積霧複閣懷  
煙几仍度室席遵函丈書宮澹然眸容有穆至如襄城  
有訪七聖接其駢駢汾水言遊四子具其衡輓將謂布  
衣黃屋名器則殊卷領素王感召宜一顏子侍側似發  
農山之談季路承聞如興浮海之說西華束帶尚以要  
賓言偃褐裘猶爲得禮避席延其不敏捨瑟睠其幽情  
共列昇堂齊參觀奧歲時蘋藻復雜昌蒲平日絃歌還  
聞絲竹

皇儲一德聿隆三善博望邀裾肅成講義

發揮銘造幽贊事業而以周穆之觴王母尚勒西弁漢  
帝之展稷丘因書東嶽遂迺思建隆碣上聞 天展  
言由國本理會 冲情副震宮之德聲命芸閣以絢頌  
銀堂闢兮神靈優揚教思兮兩儀配燭 皇綱兮融  
帝載堯可履兮舜爲佩晝而明兮夜而晦于嗟業兮歷  
萬代其詞曰

赫赫上帝悠悠天造神集鴻名聖居大寶循性稱教衍  
性爲道政若銘金化侔偃草 爰晝先起律呂創陳禮  
節天地樂和人神成期用簡業尚日新祥無聲臭隲有  
彝倫 水火朝變憲章時革周廟傷禾殿墟悲麥衰豔

紕雅羸荷淪蹟散亂記言支離方冊 自天生德由縱

成能賓廷恪嗣銘鼎家承蹲龍運舛振鐸冥膺闕典攸

指斯文載興 廣訓三千徧于七十歷階東會藏書西

入楚將分社齊聞與邑接與自在長沮空執 在智伊

妙惟神迺幾羊因魯觸烏向陳飛那傳頌管編照書章

卜商承絢顏子參微 堯則不追昌亦遂往名教潛發

心靈汎獎德配乾坤業暉辰象麟粹造泣山噴負仰

三統昌日千齡 聖期裡宗有具展禮崇基親宣時邁

神緘孝思絳螭承毓翠鳳翻旗 上浮龜蒙遙集鄒魯

翹動眞跡惆悵今古舊壁迷字荒墳翳斧 繪賁宗師

詔耕靈宇 虹梁野構翼翼林舒雕櫳綺栒圓井方  
疏沂童浴早泮鳥鳴初俎豆蠲絜丹青藹如 墨檢前  
蹤莊放遺轍於昭遐訓允歸聖烈肅穆仁祠陰沈像設  
隨四序以潛運懸三光而不跌

碑陰

分上下二截上截刻二詔一表共二十五行行五十  
五字下截刻祭文一首共二十五行行十二字又儀  
鳳二年一行在碑左邊介上下截之間並隸書又金  
明昌二年記二行在碑上截之左邊太子表文之末  
書行

武德乾封詔勅

大唐武德九年十二月廿九日下

太宗文武聖皇帝詔曰宣尼以大聖之德天縱多能王道籍以裁成人倫資其教義故孟軻稱生人以來一人而已自漢氏馭轡魏室分區爰及晉朝暨于隨代咸相崇尚用存享祀朕欽若前王憲章故實親師宗聖是所庶幾存亡繼絕抑惟通典可立孔子後爲褒聖侯以隨故紹聖侯孔嗣哲嫡子德倫爲嗣主者施行

皇帝以乾封元年正月廿四日下

詔曰朕聞德契機神盛烈光於後代化成天地靈功被於庶物魯大司寇宣尼父孔丘資大聖之材屬衰周之末思欲屈己濟俗履道佐時應聘周流莫能見用想乘

梓以永歎因獲麟而興感於是垂素王之雅則正魯史  
之繁文播鴻業於一時昭景化於千祀朕嗣膺寶祚祗  
奉睿圖憲章前王規矩先聖崇至公於海內行大道於  
天下遂得八表乂安兩儀交泰功成化洽禮盛樂和展  
采東巡迴與西土塗經茲境撫事興懷駐蹕荒區願爲  
師友瞻望幽墓思承格言雖寔寢荒蕪餘基尚在靈廟  
虛寂微烈猶存孟軻曰自生人以來未有若孔子者也  
微禹之歎旣浹褒崇之道宜峻可追贈太師庶年代雖  
遠式範令圖景業惟新儀刑茂實其廟宇制度卑陋宜  
更加修造仍令三品一人以少牢致祭褒聖侯德倫旣

承繼緒有異常流其子孫竝宜免賦役王者施行

### 皇太子襲表

臣聞周師東邁商閭延降軾之榮漢蹕西旋夷門致抱  
關之想况泣麟曾跼歌鳳遙芬被緝禮於昌辰飾殊榮  
於窮壤者伏惟 皇帝陛下資靈繞極稟粹登樞乃

聖乃神體陰陽而不宰無爲無事均雨露之莫和六符  
篤而太階平百寶臻而天祚永靈臺所以口伯延閣由  
其增絢尚蒞尊賢邁 鴻名於萬古興亡繼絕騰峻

軌於千齡大矣哉茂實英聲固無得而稱矣日者封金  
岱厥會玉梁陰路指沂川塗經闕里迴 鑿畦平式監

堯禹之委關續凝旒載想溫良之德於是特紆宸渙贈  
以太師委命重臣中其奠醊廟堂卑陋重遣修營褒  
聖侯德倫子孫咸錫賦役臣 恩均扈從迹濫撫軍  
舊烈遺塵躬陪瞻眺雪壇相圃欣覩前聞又昔歲承

恩齒冑膠塾歷觀軒屏以到門徒想仁孝於顏曾彌  
深景慕探風猷於竹帛冀啓靈蒙所以輕敢陳聞庶加  
褒贈 天慈下濟無隔異時咸登師保式光泉夜敢

以前 恩重茲干請竊謂宣尼之廟重闢規摹桂奠  
蘭羞永傳終古崇班峻禮式貴幽挺而翠翟莫題言猷  
靡暢詢諸故實有所未周且將聖自天惟幾應物拯人

倫於已墜甄禮樂於旣傾祖述勛華三千勛其鑽仰憲  
章文武億兆遵其藏用豈可使汾川遺碣獨擅於無慙  
峴岫餘文孤標於墮淚伏見前件孔廟營構畢功竣業  
曾微事資刊勒敢希 鴻澤令樹一碑徂遼海清口

九無徵發山東豐稔時踰恒歲况鄒魯舊邦儒教所起  
刊勒之費未足爲多許其子來不日便就乞特矜照遂  
此愚誠臣識昧恒規言慙通理塵蹟聽覽追增悚戰  
勅旨依請

乾封祭文

維乾封元年歲次景寅二月戊戌朔二日己亥

皇帝遣司稼正卿扶餘隆以少牢之奠致祭先聖孔子  
父之靈惟神玉鉤陳睨靈開四肘之源金醪流禎慶傳  
三命之範神資越誕授山岳以騰英天縱攸高蘊河海  
而標狀折衷六藝宣創九流睿乃生知靈非外弊於是  
考三古褒一言刊典謨定風什蒞敬之容畢備鐘鼓之  
音載和父子爰親君臣以穆蕩乎煥乎樂正雅頌各得  
其所可不謂至聖矣夫勝以寡德嗣應神器式崇祗祀  
展義云亭感周禮之尚存悲素王之獨注抒軸洙泗如  
挹清瀾畱連舞雩似開金奏昌門曳練徒有生芻之疑  
漢曲移舟非復祥萍之實慨然不已爰贈太師堂宇卑

陋仍命修造褒聖子孫合門勿事庶能不遺百代助損  
益之可知永鑑千年同比肩而爲友聿陳菲奠用旌無  
朽梅曙霞梁松春月牖德音暢而無斁形神忽其將久  
儼弗沫於生前亦知榮於身後尚饗

儀鳳二年七月訖功

明昌二年七月一日暴風折木壓其碑仆於地龜趺  
分爲二碑與字俱無害豈陰有所相而然耶九月一  
日復命工易以此座云提控修廟朝靖大夫開州刺  
史高德裔記

此崔行功撰孫師範書行功嘗書開元寺千佛記者

師範無書名而此碑分隸是唐初法亦有漢魏遺意  
可與唐詔表碑同觀 高祖高宗詔各一通祭文一  
通太子宏表一通皆分書金明昌中暴風折木壓碑  
仆跌損而碑不損刺史高德裔易跌樹之行書題六  
十五字于后王元美曰其行筆不甚精功而時有漢  
意乃知古法自開元帝始盡變也

石聖  
鐫詳

碑文內升升二字升音陞升音對隸釋漢苦縣老子  
銘有升星字司隸校尉楊孟文石門頌上順升極白  
石神君碑米升五錢注竝云斗字漢隸分韻升升  
二字上升下斗唐  
比邱尼法琬碑天分斗極竟作升字則謬矣昔人以

其文易混故改升爲斗俗作斗而二字多有誤者故  
漢書食貨志治田勤謹則畝益三升不勤則損亦如  
之臣瓚曰當言三斗尚書帝命驗黃曰神斗博雅誤  
作神升又世語姜維膽大如升誤作斗 字之从斗  
者漢樊毅復華下民租田口箠碑斛作斛苦縣老子  
銘涼州刺史魏元丕碑科作科魏受禪碑料敵用兵  
料作研王知敬李衛公碑運奇料敵料作料歐陽通  
道因法師碑斜作斜韋虛心鄭子春北嶽廟碑史惟  
則慶唐觀金錄齋頌魁作魁晉書孝武帝紀論謝元  
之善料軍事何超音義曰料力弔反一作料後人不

知古人書法妄改爲斷而淳化閣帖晉簡文帝書樹  
字作斲又與升旁加一點以別升字後周華嶽頌樹  
字亦同張公禮龍藏寺碑指讓而升大寶升字作斗  
以斗加一點爲升則不經之甚矣

金石文  
字記

右唐高宗封孔子泰師碑左傳室如縣罄國語作磬  
碑書擊磬字作罄二字古蓋通用也杼材卽梓材見  
古文尚書楊雄甘泉賦上天之緯師古曰緯事也讀  
與載同銘云緯無聲臭蓋用戴記語而從子雲之奇  
字也

金石  
存

右贈泰師孔宣公碑新舊唐書霍王元軌傳不載爲

兗州都督事可據以補史之闕

楷研堂金石文跋尾

此碑銘云循性稱教循與修通漢碑多以修爲循也  
又書先起依文義當作又書蓋刻者誤耳文末作韻  
語又銘詞四字爲句末二句忽六字初唐人體格不  
拘類如此碑陰太宗封孔德倫爲褒聖侯詔一高宗  
新廟致祭免子孫賦役詔一皇太子宏請立碑表一  
乾封祭告文一末行但書儀鳳二年七月訖功無書  
人姓名筆意頗似前碑惟字多別體及錯譌通借者  
如商作高極作極稟作稟兩作兩薦作薦偃作偃齒  
作齒罕作罕具列門徒具列作具到慙作慙久無徵

發久作九矜作矜追增棟榑增作贈戊戌作戊戌飛  
作醅莊作莊鼓作鼓朕以寡德朕作勝寡作寡嗣膺  
神器膺作應曠作曠皆是按太宗以武德九年卽位  
詔下於是年十二月尚未改元其稱太宗文武聖皇  
帝據上元元年改謚爲文也舊唐書高宗本紀乾封  
元年正月丙戌發自泰山甲午次曲阜縣幸孔子廟  
追贈太師增修祠宇以少牢致祭其褒聖侯子孫並  
免賦役與禪合是年正月戊辰朔甲午次曲阜在廿  
七日而詔以廿四日下蓋未至曲阜之前也祭告文  
云皇帝遣司祿正卿扶餘隆考舊唐書職官志龍朔

二年二月甲子改百司及官名以司農爲司稼卿爲  
正卿亦與碑合乾封元年詔令三品一人致祭司稼  
正卿卽三品也皇太子請立碑敕旨依請卽崔行功  
所撰者是也是碑文無關尚資考證而不遺明昌之  
仆折誠如高德禱所記有鬼神陰相之者矣

山左金石志

按此碑合兩面所刻凡奉敕撰文一太宗詔一高  
宗詔一皇太子表一祭告文一而以曲阜志通編  
卷內稽其先後則武德九年太宗詔其首也次乾  
封元年正月高宗詔次乾封元年二月祭告文次  
皇太子表次崔行功奉敕撰文崔行功文碑無歲

月其文中稱乾封元年者是贈太師之年非撰文  
立碑之年皇太子以總章元年二月釋奠于學贈  
顏子爲太子少師曾子爲太子少保然後表請廟  
里孔子廟立碑表內云昔歲承恩齒肉膠塾指總  
章元年釋奠事又云想仁孝于顏曾淵深景慕敢  
輕陳闕庶加褒贈咸登師保式光泉夜皆指贈顏  
子少師曾子少保之事而詳玩昔歲二字則請表  
當更在總章元年以後矣表末云敕旨依請曲阜  
志此下載詔曰皇太子宏近因釋菜齒胄上庠祇  
事先師馳心近侍仰崇山而景行眷曩哲以勤懷

顯顯曾之特高揚仁義之雙美請申褒贈載致芳  
烈朕嘉其進德冀以思齊訓誘之方莫斯爲尚顏  
回可贈太子少師曾參可贈太子少保竝配享玩  
詔語與表不合碑不刻入宜也曲阜志繫於表未  
誤矣碑云祕書少監通事舍人內供奉臣崔行功  
奉敕撰文奉敕直祕書行祕書省書學博士臣孫  
師範書舊唐書崔行功傳行功高宗時累轉吏部  
郎中兼通事舍人內供奉坐事貶游安令尋徵爲  
司文郎中當時朝廷大手筆多是行功之詞澄南  
臺侍郎咸亨中官名復舊改爲祕書少監上元元

年卒唐書百官志祕書省少監二人龍朔二年改  
祕書省曰蘭臺少監曰侍郎咸亨元年官名復舊  
此碑云祕書少監是咸亨復舊之銜則撰文又在  
咸亨元年以後矣孫師範無傳其銜曰直祕書行  
祕省書學博士百官志云貞觀令職事高者爲守  
職事卑者爲行書學隸於國子監有博士二人從  
九品下所掌學生以石經說文字林爲專業餘字  
書兼習之今觀碑字頗有不合于說文者可知當  
時書學之官不盡能深明六書也然其書此碑隸  
體嚴整以之充博士之官亦無忝矣凡奉敕撰書

之例撰者曰臣某奉敕撰書者亦曰臣某奉敕書  
此碑獨於崔行功奉敕撰文之下接云奉敕臣某  
書與他碑異也碑文首敕宣聖先世次敕宣聖事  
蹟次敕歷代至唐典禮沿革語極詳贍有云皇儲  
一德聿隆三善思建隆碣上聞天辰此卽敕皇太  
子宏表請立碑事舊唐書太子宏傳云宏高宗第  
五子總章元年二月親釋菜司成館因請贈顏回  
太子少師曾參太子少保高宗竝從之而其表請  
曲阜立碑之事傳亦不書太子薨于上元二年年  
二十四其總章元年釋菜年甫十七洵乎其爲賢

儲也則碑未書儀鳳二年訖功在太子亮後二年  
矣太子表云臣恩均屬從逆愾撫軍奮烈遺塵躬  
陪瞻眺寧境相圖欣覲前聞是指高宗東封幸曲  
阜事東封在乾封元年太子時年十五在屬從之  
列而史傳亦無文蓋史之略者多矣祭告文有司  
稼正卿扶餘隆考通志氏族略諸方複姓有夫餘  
氏吳太子夫概王奔楚餘子在吳以夫餘爲氏百  
濟國王夫餘寬生璋號帶方郡王生義茲唐拜帶  
方郡王金紫光祿大夫生隆熊州都督帶方郡王  
生文宣司膳卿左衛大將軍樂浪郡公扶餘疑卽

夫餘此扶餘隆官司稼卿與官司膳卿相類似亦  
同源于百濟者也東封之前數年百濟初平方於  
扶餘道置行軍總管以伐高麗此扶餘隆或卽其  
國人入仕于朝而從行東封者歟孔嗣恣爲孔子  
卅一世孫其封紹聖侯在隋大業四年然則德倫  
爲卅二世孫也碑陰隸體大致相同然凡太字皆  
從本字不作泰與孫師範所書異以此知書者非  
出一手也殆是當時書學所習書體不甚懸殊亦  
足徵一時風氣所尚也碑字多別體山左金石志  
所舉已詳而有未盡者如漢暉作漢暉登樞作登

凝旋作凝旋獨往作獨注皆偏旁所从之異而易啟後人之惑者碑內兩引孟子生民以來語生民俱作生人乾封詔固因避諱貞觀詔係高宗時追書故亦避諱也崔文云愚智齊泚泚卽泚字亦避諱作泚也六籍無准廣韻云准俗準字字林則準與准同此時書學兼宗字林宜其以准爲準也乾封詔應聘作應聘及書太子表射陪則作聘陪此又偏旁之可隨意互易也碑篆額十二字分行字徑四寸碑首形圓題額外左右刻二仙子裝冠羽衣騎鶴而行左右相向鶴含草如竹葉周刻

大花葉唐畫真蹟不易見此石刻猶略得其規模  
而碑首刻仙人跨鶴尤搢見此碑明昌二年一條  
記此碑之不遭仆損卽附于此不復析出云

金石萃編卷五十五終